

Arkiv: <arkivID><jplID> FE-144, FA-F03
JournalpostID:
Sakshandsamar:
Dato: 30.01.2023

Saksframlegg

Saksnr.	Utval	Møtedato
004/23	Råd for menneske med nedsett funksjonsevne	06.02.2023
003/23	Eldreråd	06.02.2023
007/23	Ungdomsråd	06.02.2023
012/23	Utval for helse og omsorg	07.02.2023
021/23	Utval for oppvekst, kunnskap og kultur	07.02.2023
012/23	Alver kommunestyre	23.02.2023

Handlingsplan mot vald i nære relasjonar

Kommunedirektøren sitt framlegg til vedtak:

Handlingsplan mot vald i nære relasjonar blir vedteke

Råd for menneske med nedsett funksjonsevne 06.02.2023:

Handsaming:

Kjersti Risa Marøy-tenesteleiar Helsestasjon- og jordmortenesta orienterte i saka.

Rådet støttar kommunedirektøren sitt framlegg til vedtak, samrøystes.

RMNF- 004/23 Vedtak:

Rådet støttar kommunedirektøren sitt framlegg til vedtak.

Eldreråd 06.02.2023:

Handsaming:

Kjersti Risa Marøy-tenesteleiar Helsestasjon- og jordmortenesta orienterte og svara på spørsmål.

Det vart sett fram følgjande felles framlegg til uttale i møtet:

Eldrerådet ser positivt på innføring av handlingsplan mot vald i nære relasjonar, og rådet vil framover følgja opp at planen fungerer som tiltenkt.

Eldrerådet vedtok samrøystes framlegg til uttale sett fram i møtet.

ER- 003/23 Vedtak:

Eldrerådet kjem med følgjande uttale:

Eldrerådet ser positivt på innføring av handlingsplan mot vald i nære relasjonar, og rådet vil framover følgja opp at planen fungerer som tiltenkt.

Ungdomsråd 06.02.2023:**Handsaming:**

Orientering i saka v/Kjersti Marøy

UR- 007/23 Vedtak:

Alver ungdomsråd støttar kommunedirektøren sitt framlegg til vedtak.

Samrøystes

Utval for oppvekst, kunnskap og kultur 07.02.2023:**Handsaming:****Fellesframlegg:**

OKK sluttar seg til planen og ber om jamnleg oppfølging / orientering av planen.

OKK- 021/23 Vedtak:**Innstilling i OKK - 07.02.2023:**

OKK sluttar seg til planen og ber om jamnleg oppfølging / orientering av planen.

Utval for helse og omsorg 07.02.2023:**Handsaming:**

Kjersti Risa Marøy-tenesteleiar Helsestasjon og jordmorteneste orienterte og svara på spørsmål.

Kirsti Gjetle Floen-AP sette fram følgjande tilleggsframlegg til uttale:

Utval for helse og omsorg sluttar seg til planen og ber om jamnleg oppfølging av planen.

Utvalet vedtok samrøystes Gjetle Floen sitt framlegg til uttale.

HO- 012/23 Vedtak:

Utval for helse og omsorg har følgjande uttale:

Utval for helse og omsorg sluttar seg til handlingsplan mot vald i nære relasjonar og ber om jamnleg oppfølging av planen.

Alver kommunestyre 23.02.2023:**Handsaming:**

Innstillinga frå utval for oppvekst, kunnskap og kultur vart samrøystes vedteke.

KO- 012/23 Vedtak:

Kommunestyret sluttar seg til planen og ber om jamnleg oppfølging / orientering av planen.

Politisk handsaming

Saka skal til uttale i råd for menneske med nedsett funksjonsevne, eldrerådet og ungdomsrådet, utval for helse og omsorg

Saka skal til innstilling i utval for oppvekst, kunnskap og kultur

Saka skal avgjerast i kommunestyret

Saksopplysningar

Bakgrunn

Ein kommunal handlingsplan mot vald og overgrep er ein strategi i Alver kommune sitt førebyggjande arbeid for å bekjempe vald og overgrep. Handlingsplanen har eit livsløp-perspektiv, og omfattar alle innbyggjarar i kommunen. Planen skal bidra til at kommunen har eit førebyggjande fokus på temaet, og at berørte får eit tilrettelagt og heilskapleg tilbod. Planen er ein handlingsplan knytt til tema og ikkje til eit spesifikt fagområde. Den er ein del av kommunen sitt plansystem, som består av fleire plantypar og er styrt av Alver kommune sin planstrategi.

Planen inneheldt tiltak som skal bidra til at alle som arbeider og/eller er i kontakt med innbyggjarane våre, skal våge å sjå, våge å spørje og ha mot til å handle slik at vald og overgrep opphøyrer. Målgruppa for Handlingsplanen er alle tilsette og innbyggjarar i Alver kommune.

Planen er ein digital plan, som vert gjort tilgjengeleg for både tilsette i Alver kommune, samt alle innbyggjarar i kommunen via Framsikt. Planen skal vere utgangspunkt for vidare arbeid med temaet på avdelingane i kommunen, samt eit verktøy som skal setje både tilsette og innbyggjarar i stand til å våge å sjå, våge å spørje og ha mot til å handle slik at vald og overgrep opphøyrer.

Oppbygging av planen

MÅL:

Hovudmålet i planen:

Innbyggjarar i Alver skal leve sine liv utan vald og overgrep.

Det er i tillegg formulert tre delmål som skal byggje opp under hovudmålet med innhald og meining:

- *Handlingsplanen skal bidra til å styrke kunnskapsnivået hjå tilsette i kommunen og vidareutvikle samhandlinga mellom faggrupper og tenester i kommunen*
- *Tilsette i Alver kommune har kunnskap om korleis ein førebyggjer, avdekkjer og hjelper den som er utsett for vald, og den som utøver vald*
- *Handlingsplanen skal gje innbyggjarar i Alver kunnskap om vald i nære relasjonar, og setje dei i stand til å våge å sjå, våge å spørje og ha mot til å handle*

TILTAKSPLAN:

Handlingsplanen har ein tiltaksplan som skildrar tiltak for å oppnå måla. Tiltaksplanen inneheld konkrete tiltak retta mot tilsette i Alver kommune, som synleggjer ansvar og deltakarar i arbeidet mot vald i nære relasjonar. Tiltaksplanen er delt i nye tilrådde tiltak og eksisterande tiltak. Tiltaka omhandlar førebyggjande arbeid, avdekking av vald og kompetanseheving. Tabellen med eksisterande tiltak er ei oversikt over arbeidet som allereie er igangsett i dei ulike tenestene knytt til dette temaet. Nye tilrådde tiltak er basert på hovudmålsettinga, innspel frå medverknadsprosessane, samt avdekking av manglar i eksisterande tiltak.

HANDLINGSKORT:

Handlingskorta er meint å vere eit verktøy som skal bidra til at alle tilsette og innbyggjarar skal våge å sjå, våge å spørje og ha mot til å handle slik at vald og overgrep opphøyrer. Det er utarbeidd eit handlingskort som er retta mot bekymring for born og eit for vaksne. Handlingskorta inneheldt ein QR – kode som fører vidare til nettside på Alver kommune med oppdatert informasjon.

Planprosess

Arbeidet med planen har vore prosjektorganisert med ei tverrfagleg samansett gruppe med representantar frå oppvekst, helse & omsorg og NAV. RVTS (Regionalt ressurscenter om vold, traumatisk stress og selvmordsforebygging) bistod prosjektgruppa i oppstarten av arbeidet. I medverknadsprosessen har ein arbeidd saman med dei ulike politiske råda og interne og eksterne tenester/samarbeidspartar. Det har vore

gjennomført to referansegruppemøter/workshopar med inviterte frå dei nemnte gruppene. I etterkant av desse møta har prosjektgruppa jobba med innspela og inkludert dei i planen. Prosjektgruppa har hatt internt samarbeid med Plan og analyse og Kommunikasjonsavdeling om utarbeiding og oppsett av plan i Framsikt, samt utarbeiding av handlingskorta.

HØYRING

06.09.22 gjorde utval for oppvekst kunnskap og kultur vedtak om at framlegget til Handlingsplan mot vald i nære relasjonar vart lagt ut på høyring og offentleg ettersyn med ein høyringsperiode på seks veker. I høyringsperioden kom det inn 9 innspel. Innspela kom frå politiske råd, ulike avdelingar i sektor oppvekst og helse og omsorg, samt frå RVTS (ressursenter for vald og traumatisk stress). Høyringsinnspela er gjennomgått og vurdert i prosjektgruppa og innhald i plan og handlingskort er justert.

Lenke til plan i Framsikt:

<https://pub.framsikt.net/plan/alver/plan-4e8e3a0e-2e16-41b8-9565-119cf3a84d3b-23861/>

Vedlegg i saken:

30.01.2023 Handlingsplan mot vald i nære relasjonar

1873038